

# In stgazi multifar da l'istorgia e da la litteratura rumantscha e grischuna

Autor(en): **Casanova, Corina**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **125 (2012)**

PDF erstellt am: **21.06.2024**

Persistenter Link: <https://doi.org/10.5169/seals-323568>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## **In stgazi multifar da l'istorgia e da la litteratura rumantscha e grischuna**

*Corina Casanova, cancelliera federala*

Quest onn cumparan las Annalas per la 125avla giada. L'onn 1885 avevan Gion Antoni Bühler e ses cumpogns fundà la Societad Retorumantscha e fixà en lur program tranter auter la finamira d'edir mintg'onn in organ da publicaziun. L'onn suenter èn cumparidas las emprimas Annalas sut ils redactors Gion Antoni Bühler, Giacun Hasper Muoth ed Alexander Balletta. Las Annalas n'èn oz betg mo in dals pli vegls periodics rumantschs, ma ellas èn daventadas ina vardaivla pitga e spina dorsala da la Societad Retorumantscha, surtut en ses emprims onns anc avant la creaziun dal DRG. La Societad Retorumantscha n'è betg daventada ina «societad populara» sco che l'emprima suprastanza aveva intenziunà, dentant èn la societad e ses organ da publicaziun stadas necessarias e decisivas per il svilup e la costituziun dal moviment rumantsch cun tut sias associaziuns affiliadas ch'han mobilisà la populaziun rumantscha per lur lingua e cultura e ch'han la finala er cuntanschì ensemen cun las autoritads dal chantun Grischun la renconuschientscha dal rumantsch sco lingua naziunala dal 1938 e sco lingua uffiziala parziala dal 1996.

La Societad Retorumantscha e sias Annalas èn fin oz da grond'impurtanza per la perscrutaziun, documentaziun ed intermediaziun da nossa lingua e litteratura ed han perquai er ina relevanza naziunala. Ils 125 toms cun lur enorma ritgezza e varietad da texts litterars, d'artitgels scientifics, da contribuziuns istoricas ed etnologicas, da funtaunas da dretg e da biografias da persunalitads rumantschas èn in stgazi multifar per tut la Rumantschia e per tut las personas interessadas dal rumantsch. La Chanzlia federala è sin plaun federal – cun l'Uffizi federal da cultura – quella instituziun statala che tgira e promova las linguas naziunalas e la communicaziun plurilingua da l'administraziun federala. Siond che las Annalas cuntengnan tranter auter blers documents ed interessantas infurmaziuns en connex cun la politica da linguas chantunala e federala, cun il svilup e la rolla dal rumantsch a nivel federal e cun la translaziun da leschas en rumantsch vegnan ellas consultadas er en la Chanzlia federala.